

procurator, et starano do anni, el terzo sier Carlo Morexini procurator non introe, qual ha più offici, con pena: è sora le legne et l' oio, sora gastaldo de la procuratia de *Citra*, olim sora veder le easse de le procuratie, procurator et di Zonta dil Conseio di X, el qual vol intrar sora le aque, ma esser assolto dil cargo.

Da poi disnar, fo Collegio dil Serenissimo con li Savi, et alditeno li 4 oratori vicentini, venuti novamente per la fortification de quella città, li qual sono questi novi: domino Lodovico da Porto dottor et cavalier, domino Hironimo da Mozan cavalier, Hironimo Chieregato et Batista da la Scrova, era per avanti

De Franza, fo letre dil Justinian orator nostro, di 6 et 7 de l' instante, da Paris. El sumario dirò poi. El questi zorni fo consultà tra li Savi de scriver in Franza *cum Senatu*.

192* È da saper. Domenega passata a di a Trevixo, dove è podestà sier Jacomo Dolfin, fo fato una comedia in palazzo per alcuni compagni cittadini de Trevixo richi, numero 8, a loro spexe, et fo recitata in versi vulgar la comedia *Delphis* di Terentio, et fato una bellissima colation de assà presenti etc., poi luni et marti et mercore zostrato per li homeni d' arme dil conte Mercurio, qual aloza de li, el precio uno zipon de restagno et vada-gnoe el precio uno homo d' arme chiamato Poi heri che fo el zuoba, fu fato uno combater un castello sopra la piazza per li homeni d' arme dil sopradito et per le ordinanze, capo el Gatino, et de dentro vi era uno contestabile, chiamato con fanti, et fo combatuto assai al modo de guerizar con bel ordine et fu bel veder. Vi andò molti zentilhomeni, et la sera fato festa in palazzo. Il ditto conte Mercurio era in leto con le gote. Hozì se dovea correr l' anello, poi domenega, luni et marti se farà le feste ordinarie in palazzo.

A di 22. La matina, vene in Collegio l' orator dil duca de Urbin, dicendo haver hauto letere dal suo signor duca de Mantoa de , qual era di brexana venuto li da la duchessa, come l'era partito quel zorno per andar nel suo stado.

Fu posto su le colonne un novo cartello, posto per el conte Lodovico Rangon fratello dil conte Guido contra el conte Piero Maria de Rossi et era a stampa.

Li Cai steteno longamente in Collegio per causa , et terminato hozì far poi Pregadi, Conseio di X con la Zonta, et scriver a Bologna.

Da poi disnar, fo Pregadi, per scriver in Franza et lezer le letere, et ordinà Conseio di X con Zonta.

Fu avanti lezer le letere posto per li Consieri: che sier Tomà Contarini electo orator al Signor turco possi venir in Pregadi fino vadi a la sua legation non metando ballota. Ave: 127, 2, 1. El qual sier Tomà vene in Pregadi ad aldir le letere, et poi lette:

Fu posto, per li Consieri, una taia a

Fu posto poi, per li Savi dil Conseio et Terra ferma una letera a l' orator nostro in Franza, in risposta de soe, et si farà data a di 16: come col Senato se ringratia la Maestà Christianissima de l' amor la ne porta, et nui ben semo obsequentissimi de Soa Maestà, con tal parole *ut in litteris*, et laudamo el voler suo de pace.

Item, un altra a parte al dito orator, come li avisamo che il voler nostro è de star ben con tutti, et in la pace se troviamo

Fu posto, per li diti et Savi ai ordeni, una letera a l' orator nostro in Anglia, qual *etiam* si farà antidata: ringratia Soa Santità dil salvoconduto, ovvero voler che le galle nostre vengino de li, et cussi l' havemo poste et verano presto.

Et fo balotà el capitolo de mandarli le curazine, posto per li Consieri, Cai di XL et tuti li Savi de Collegio, *videlicet* cinque curazine a quei signori; et fu presa, ave:

Da la Zefalonia, di sier Andrea Valier 193
proveditor, di 12 Dicembrio, ricevute a di 15 Fevrer. Avisa in questi zorni, in questo porto de San Todaro nel canal de Paleca vene 24 nave de l' armata cesarea, capitano domino Franco Doria, et *etiam* la nave de la Religion et uno galion de Bellomo corsaro, et a di 28 vene nel porto de questo loco, dove stete fino a di 6 de questo mexe. La qual matina feno vela et andono al suo viaggio, hanno fato qualche dano su questa ixola, non da conto. Scrissi al prefato capitano, qual me promesse far ogni provision non se facesse danni, el qual me domandò vituarie; me scusai, l' armata turchesca stata de quì haver consumato ogni cosa. Scrive, come quando l' armata cesarea andò su la Morea passò de questi stratioti per andar a depredar contra li mei ordeni, pertanto aspeto risposta quello debbi far de loro, perchè io atendo et ho ateso a ben vicinar con turchi.

Dil dito, di 20 Dezembrio, ricevute a di 15 dito. Scrive da uno mexe in quà è stato in que-